

WAS I' NO' MOL MECHD'!

Was i, was i no' mol mechd...

I mechd a liadrigs Moale sei - an Fegr ond an Jessasfedz
Koi Glufamichel ond koi Dilledabb
Ond erschd rechd koi Schnoakahuaschdr - noi!

I mechd dr Fuchserkeenich sei - be' au beim Gloggabudz dabei
I ziaig da Karle an de Schniddlauch- Logga
I soich a Schloifedse uf d' Gass - vrschdegg em Erml 's Bolla-Ass
I wißd scho, was i nomol mechd
Vrriggde Dääg - vrriggde Nächd
An Freindeskreis, wo sich vrträchd - des wärs fei, was I no mol mechd!!

Was i, was i no' mol mechd...

Ohoh I mechd danza, Quickstepp ond Trottlfox
Mechd schnaufa wi' an Ochs
Hautnah danza, des wär mei' Deng
An Schdehblues, saumäßich eng, saumäßich eng.

Ohoh I mechd danza, Tango ond Milonga
Mechd schwidza an dr Conga
Twist, Shake, Boogie ond Rogg 'n' Roll
Doa föhl I Body and Soul, Body and Soul...

I mechd a rechdr Saubua sei - an Schlambr ond an gnidzr Siach
Koi quadr Dralle, koi Halbdaggl net
Ond erschd rechd koi Allmachdsbachl - noi!

I mechd an Mädlesfidzr sei - be au beim Soggahubf dabei
I lang dr Hannelore anders Bliasle
I sau em Klärle hendrdrei - mir brengads no em erschda Hei
I wißd scho, was i nomol mechd
Vrriggde Dääg, vrriggde Nächd
An Freindeskreis, wo sich vrträchd - des wärs fei, was I no mol mechd!!

Was I, was I no mol mechd...

Ond i dräum, was i echd no mol mechd
Dreim davo' - was i noschdalgiemäßig fei no mol mechd
Solang i dreima koa, goahd's mir net schlechd...